

吉林府縣志輯

中國地方志集成

光緒海龍府鄉土志

民國海龍縣志

民國海龍縣志



海龍府鄉土志目錄

海龍府勸業所同人編輯

商務

歷史

政績

學務

警務

武備

兵事

耆舊

人類

田賦

海龍府鄉土志

戶口

氏族

宗教

實業

天度

地理

山

水

道路

物產

海龍府鄉土志

二



K293.4

4

中國地方志集成

吉林府縣志輯 ⑥

光緒海龍府鄉土志

民國海龍縣志

民國海龍縣志

鳳凰出版社 ● 上海書店 ● 巴蜀書社

海龍府鄉土志

海龍府勸學所同人編輯

歷史 本境建置沿革

唐虞息慎氏地周肅慎氏地漢晉屬挹婁國
南北朝勿吉地隋屬挹婁國唐五代渤海地
遼回霸部金回帕里元合蘭府冰達達路明
輝發部落蒙古扈倫四部之一輝發之祖本
姓益克得里黑龍江岸尼馬察部人有昂古
里星古力生子二長留臣次備臣備臣生納
領噶耐寬納領噶耐寬生拉哈都督拉哈都督
生拉哈禪都督拉哈禪都督生齊納根達爾
生拉哈禪都督拉哈禪都督生齊納根達爾

海龍府鄉土志

歷史

漢齊納根達爾漢生王機砮王機砮始服附
近諸部於輝發河邊扈爾奇山築城居之因
名輝發國今距府城東七十五里有輝發城
即其建國地也王機砮生子何名失考其孫
拜音達里殺其叔七人自為貝勒

國初拜音達里率屬來歸嗣後屢服屢叛我

太祖率兵征之克其城誅拜音達里父子遂滅其國
事在丁未年即明萬曆三十五年也旋以其
地置鮮圍場為蒐苗獮狩之所天聰二年冬

十二月

太宗率諸貝勒出獵於東北四百里外三窪地

太宗親殪五虎從臣皆驚服神勇謹按距離瀋陽東

北四百里外正屬鮮圍場一統河窪之西康

熙三十七年戊寅十月丁未日

聖祖仁皇帝行圍槍殪二大熊是日駐蹕輝發迨光

緒四年前經

盛京將軍岐以鮮圍之地多被流氓墾種奏請

文放給民管業又撥放大圍場南境數里寬

一幅因古城舊址設治名曰海龍城置總管

一員管理鮮圍西北毗連大圍場東西流水

龍海府鄉土志

上

培築封堆禁民私墾緝盜賊並督征鮮圍

課賦等事轄佐領二員作為左右兩翼防禦

四員驍騎校四員筆帖式一員由義州等八

城驍陽門等六邊門抽撥額設領催兵五百

名戍守並置海龍廳通判一員巡檢管司獄

事一員二十八年大圍場開放添設東平西

安西豐三縣海龍廳升為府治轄柳河東平

西安西豐四縣並改巡檢為府經歷仍管司

獄事現在總管衙門事務簡少奉文查議裁

併統歸知府衙門管理以一事權兩符體制

政績

海龍城總管

馬有利漢軍廂白旗人光緒六年任當海龍草昧初開經營締造創制規畫條理秩然居民得安耕鑿至今稱道弗衰

高元朗漢軍廂藍旗人光緒十一年任廉隅自勵不名一錢督飭兵隊賞罰必信故能緝捕盜賊民得安業

多祿滿洲正藍旗人光緒十四年任甲午之役

逃兵土匪紛至沓來與通判陳國樑督辦

海龍府鄉志

三

民國先事預防闔境幸未受害

依凌阿漢軍正黃旗人光緒二十四年任庚

子之變以迄日俄之戰緝捕盜賊綏靖地方

勞勩頗著民咸稱之

海龍廳通判

楊文圖字晉卿順天通州人光緒六年九月

任當海龍荒蕪初闢諸事草創敷布有方規

模咸具請設學額民知讀書

汪稟字子寬附貢生直隸永平府灤州人光

緒十二年八月任勤於聽斷實心為民

金作堉字伯呂浙江山陰縣人光緒十八年

二月任嚴治盜賊匪類斂跡修理衙署規模

始有可觀政治嚴明民知畏法

陳國樑廕生湖南長沙府湘鄉縣人光緒十

八年六月任至甲午歲兵匪滋擾議舉鄉團

民得以安

趙臣翼字燕孫癸未科進士順天府大興縣

人光緒二十二年二月任治獄廉明捐廉課

士文風大進

海龍府鄉志

政績

四

宋維英字潤生湖南衡州府清泉縣人光緒

二十五年正月任觀風視士稟請建修書院

雖未幾去任而基礎已立

孫長青字紹卿順天府大興縣人光緒二十

五年十月任聽斷明慎振興學校庚子之變

土匪潰勇股賊俄兵前後入境擾踞半載鎮

撫有方闔境賴以保全

海龍府知府

孫壽昌字芝齋附貢生順天府大興縣人光

緒二十八年任學有根柢躬行率士時至秀

實書院講學諸生環聽質疑辨難而士知奮

勉三十日日俄構戰俄人以重兵駐海龍拒日於府之西南境相持八閱月俄人尋衅以堅忍處之土匪遊兵蠢動鼓煽待以鎮靜卒獲安全

查富璣字友珊附貢生安徽銅陵縣人光緒三十二年任勸立學堂辦理巡警嚴治盜賊荏苒悉靖而地面以安

孟憲彝字秉初戊子科優貢知縣丁酉科舉人順天府永清縣人光緒三十三年六月任

兼署海龍城總管奉檄將總管衙門一切事宜查議裁併統歸知府衙門管理

海龍府志

政績

學務

學務

本城因舊有秀實書院於光緒三十二年改設高初兩等學堂定額每班學生四十人置校長一員教員四員附設師範傳習所師範生每班亦四十名東門內官立小學堂一區學生兩班共八十人置教員四員併設勸學所置學務總董一員勸學員二員宣講所置宣講員一員代收國民捐以上學堂各項用款均由海龍稅捐局撥交三十二年銅牌車

捐銀圓二萬餘圓項內開支僅數應用四鄉共分三十六社各設小學堂一區每一學堂舉學董一員置教員二員額定學生四十八學費由各社自籌

警務

本城設巡警總局置總辦一員本管知府任之不支薪水提調一員文牘委員一員總查一員復置司書差弁分任庶務及供繕寫又教習六名分派各區輪值教操馬巡七十二名步巡八十名巡弁五名四鄉三十六社按

海龍府志

警務

六

地方廣狹衝僻設巡警四十四分區每區置巡長一員馬步巡或三十或二十或十數名不等其衝要遼廓之區酌添副巡長一員統計總分區正副巡長五十五員馬巡一百八十五名步巡八百七十七名所需薪餉稟明接地一畝每年收銀圓一角共計十二萬九千餘圓是謂畝捐巡餉每月開支額需一萬零一百零五圓每年額需十二萬零二百六十圓遇閏加增畝捐餘款作為軍火獎卹各需

武備

額設領催兵五百名原由義州等八城隄陽門等六邊門額兵內抽調而來迨至光緒三十二年奉文由五百名兵內抽出四百名作八成隊一營名曰盛軍營官一員哨官四員哨長五員設捕盜營馬兵四十名巡官一員以上各營薪餉均赴省請領分司緝捕盜賊管解人犯看守監獄外有奉軍副左路右營步隊分防山城子朝陽鎮等處

兵事

前代兵事無志乘可考惟我

海龍府志

兵事

七

朝龍興時諸國紛亂滿洲國之蘇克蘇泮河部渾河部王甲部董鄂部哲陳部長白山之訥殷部鴨綠江部東海之渥集部瓦爾喀部扈倫國之烏喇部哈達部葉赫部輝發部爭為雄長互相攻戰我

太祖恩威並用順者以德服逆者以兵臨始以一旅之師漸削平諸部而統一之查輝發之先自昂古里星古力六七傳至王機努之世蒙古察哈爾國札薩克圖土門汗自將圍其城不克而還王機努卒孫拜音達里殺其叔七人

自為貝勒嗣後族衆叛投葉赫部衆亦有叛謀拜音達里懼以其臣七人來質太祖許馬發兵千人助之葉赫納林布綠紿拜音達里曰爾若歸爾質子吾即反爾叛族拜音達里信其言乃曰吾其中立於滿洲葉赫之間乎遂取回所質七臣之子以己子與納林布綠為質竟不歸其叛族反與葉赫諸部一再來侵

太祖遂於乙未年夏六月率兵攻克其所屬之多壁

海龍府志

兵事

八

音達里遣使臣告

太祖曰吾前者誤為納林布祿所誑今欲依賴土恩

乞以女賜我為婚

太祖允之後拜音達里背約不娶

太祖遣使謂曰汝昔助葉赫二次來侵我宥爾罪復

許爾婚今背約不娶何也拜音達里紿曰俟

吾葉赫質子歸乃娶因築城三層自固今之

輝發峰下城基尚存蓋即其三層之一也及

葉赫質子歸我

太祖復遣使謂曰爾質子歸今何如拜音達里以堅

城足恃遂負約

太祖即於明萬曆三十五年秋九月乙亥率兵征之
甲辰圍其城克之誅拜音達里父子殲其兵
招撫其民乃班師天命九年甲子五月甲寅
朔明毛文龍令遊擊三員引兵寇輝發沿鴨
綠江越長白山而至我守將蘇爾棟安敗之
追擊三日盡殲其眾光緒二十年甲午之役
土匪蠢起潰兵紛竄總管多祿通判陳國樞
督辦鄉團及兵力足以制之故未被擾害光
緒二十四年賊目李澄非率百餘人由龍崗

海龍府志

兵事

九

攻入朝陽鎮沿途焚燒肆行搶擄在鎮街經
宿始去庚子之變閏八月有畢永昌理名畢
秧子率神武營潰男竄入城東闕旋經依總
管凌阿擊散十月劉永和綽號劉單子帶吉
林潰勇六七百名攻撲朝陽鎮依總管督制
兵與招留之吉林衛隊及各社鄉團萬餘人前
往迎敵以無紀律而敗遂撤回城是夜敗回
之兵與街中無賴竟將海龍之東南二閭舖
商乘勢焚搶殆盡火光入喊達旦不休次日
俄人至朝陽鎮賊始散去俄人去賊復合聚

十一月巨賊楊玉林綽號十四閻王率吉林

海龍府志

兵事 耆舊 人類 十

潰散未幾俄人去賊復合襲山城子鎮綁去
哨官哨長各一員傷兵數名大肆擄掠四月
劉單子李吮吧督率馬步賊數千圍攻海龍
依總管署通判孫長青督本城之兵及新撫
之鎮東營登陴守禦經一晝夜舊撫之馮佩
均帶二百人突圍入援俄人繼至圍始解然
城內之典當已被擄掠一空城外之市商居
民已被賊焚搶無遺矣乙巳年日俄開釁俄
人駐重兵於海龍拒日於府之西南六官巷
俄人在城屢次尋衅百般要求俄人所招之

花勝隊及土匪潰兵乘勢起搶擄綁贖民
不聊生幸孫芝齋太守堅忍坐鎮內而應付
俄人外而檄兵勦賊始獲安全

耆舊

開闢未久查無耆舊

人類

滿洲 蒙古 漢軍 民籍 回回

田賦

合屬共升科地一百二十九萬零八百五十
五畝一分每畝徵正課銀二分共徵正銀二

海龍府鄉志

田賦 戶口 民族 土

萬五千八百一十七兩一錢零二釐耗羨銀
一分共徵耗銀一萬二千九百零八兩五錢
五分一釐

戶口

旗戶六百二十八戶

民戶二萬九千四百七十四戶

共男十萬六千八百零七丁女八萬七千四

百口

氏族

開闢未久查無大姓氏族居住

宗教

回教三十三戶

天主教五百三十六名

耶穌教二百八十七名

實業

士一千七百一十八名

農九萬七千三百名

工三千二百五十九名

商四千五百三十名

天度

海龍府鄉志

宗教 實業 天度 土

在北緯四十二度四十二分二十八秒東經
九度三十七分十秒夏至日出寅正一刻十
分三十六秒日入戌初二刻四分二十四秒
晝長六十刻八分四十八秒夜長三十五
刻六分十二秒冬至日出辰初二刻四分二
十四秒日入申正一刻十分三十六秒晝長
三十五刻六分十二秒夜長六十刻八分四
十八秒

地理

本境廣三百一十里縱二百里在

盛京東北水程無陸程六百里至北京水程無陸程二千一百里東至吉林濛江界一百二十里西至開原縣界一百六十里南至柳河縣界四十里北至東平縣界一里東南至柳河縣界十里東北至吉林磐石縣界五十里至伊通州界一百里西南至開原縣界一百六十里西北至東平縣界十五里全界分三十六社城內設知府衙門一所經歷衙門一所教授衙門一所舊設圍場總管衙門一所正白廂白正藍廂黃四旗官廳現因圍場已墾奉文裁併城內有勸學所巡警總局高初等小學堂各一所師範傳習所一所城中修

文廟一座關帝廟一座城隍廟一座東關修龍神廟一座南關修火神廟一座

第一海昇社與府城為一社在城東十里曰奶子山公立初等小學堂一處設巡警分區一所東界海康社西界府城南界海平社北界海盛社

第二海平社在城東南十二里曰雙頂子公

立初等小學堂一處設巡警分區一所東界海康社西界海通界南界海順社北界海康社海昇社

第三海盛社在城東北十五里曰牛心頂子公立初等小學堂一處設巡警分區一所東界海康社海安社西界東平縣界南界海昇社北界海治社

第四海治社在城東北四十五里曰高楊樹設巡警分區一所在城東北五十里八道崗子公立初等小學堂一處南距高楊樹巡警分區十五里在城東北四十五里曰亮子河公立初等小學堂一處設巡警分區一所西南距高楊樹巡警分區八里東界吉林磐石縣界西界東平縣界南界海盛社北界海億社

第五海億社在城東北八十里曰北黑嘴子公立初等小學堂一處設巡警分區一所東界海治社西界東平縣界南界海治社北界海兆社

第六海兆社在城東北一百里曰康大營公

立初等小學堂一處設巡警分區一所東界吉林磐石縣界西界東平縣界南界海億社北界吉林伊通州界

第七海安社在城東北五十五里曰小山亦曰八大泉眼公立初等小學堂一處設巡警分區一所東界吉林磐石縣界西界海盛社南界海康社北界海治社

第八海康社在城東三十五里曰朝陽鎮街衢寬廣商民輻輳夙稱繁富有左翼翼長衙門正黃廂紅二旗官廳現議裁撤有稅捐分局公立初等小學堂一處設巡警分區一所街中有財神廟街東有火神廟東壕外有龍神廟北山麓有碧霞元君廟鎮西八里曰野豬河公立初等小學堂一處設巡警分區一所東界海振社西界海昇社南界海芳社北界海治社鎮之東五里有古壘

第九海振社在城東五十五里曰圍林子公立初等小學堂一處設巡警分區一所東界海興社西界海康社南界海聚社北界吉林磐石縣界社西南有古城曰輝發峰下城社

東山上有平臺沿稱曰點將臺東山下另有古壘

第十海興社在城東八十五里曰蛤蟆河公立初等小學堂一處設巡警分區一所在社西之輝發城設巡警分區一所距城七十里距蛤蟆河巡警分區十五里東界海保社西界海振社海聚社南界海甲社北界吉林磐石縣界

第十一海保社在城東一百一十里曰蛟河現改為中陽堡公立初等小學堂一處設巡警分區三所一在中陽堡一在社之大北岔距城一百五十里西北距中陽堡巡警分區四十里一在社之托佛別距城九十里西南距中陽堡巡警分區三十里東界吉林界西界海興社南界海綏社北界吉林界

第十二海甲社在東南八十里曰大陽社之黃泥河子設巡警分區一所東界海保社西界海聚社南界海綏社北界海興社

第十三海綏社在城東南九十里曰孤頂子設巡警分區一所東界吉林濛江界西界海

聚社南界柳河縣界北界海甲社

第十四海聚社在城東南七十里曰樓上有小村落公立初等小學堂一處設巡警分區一所東界海綏社西界海遠社海方社柳河縣界南界柳河縣界北界海興社南杉松崗煤鐵鑛甚著名

第十五合海遠海方二社為一社在城東南四十五里曰平安川在社之中區轉通公立初等小學堂一處設巡警分區一所所有廟宇一座東界海聚社海興社西界海平社海順社南界柳

海龍府鄉志

地理

十七

河縣界北界海康社

第十六海順社在城南三十里曰一統河窪公立初等小學堂一處設巡警分區一所東界海方社西界海達社南界柳河縣界北界海平社

第十七海化社在城西十四里彎隴溝在社西五奎頂子公立初等小學堂一處設巡警分區一所距城二十五里東界府城海昇社西界海義社南界海通社北界東平縣界第十八海通社在城西南二十五里曰鴨綠

河公立初等小學堂一處設巡警分區一所

東界海平社西界海良社南界海達社海惠社北界海化社

第十九海達社在城南三十五里曰太平川公立初等小學堂一處設巡警分區一所有關帝廟一座東界海順社西界海惠社南界海循社北界海通社

海龍府鄉志

地理

十八

海義社

第二十一海惠社在城西南五十里曰杏領公立初等小學堂一處設巡警分區一所東界海達社西界海隆社南界海循社北界海通社

第二十二海循社在城西南六十里曰三合堡公立初等小學堂一處設巡警分區一所東界海順社西界柳河縣界南界柳河縣界北界海達社海惠社第二十三海良社在城西南六十里曰太平

莊俗名六八石有小集市街西有廟宇一座
公立初等小學堂一處設巡警分區一所東
界海恩社海通社西界海仁社南界海隆社
北界海智社

第二十四海仁社在城西南七十里曰四合
堡土名四八石公立初等小學堂一處設巡
警分區一所東界海良社西界海和社南界
海隆社北界海智社

第二十五海義社在城西四十八里曰梅河
口公立初等小學堂一處設巡警分區一所

海龍府志

地理

九

東界海化社西界海智社南界海良社北界
東平縣界

第二十六海智社在城西七十里曰大黑嘴
子公立初等小學堂一處設巡警分區一所
有廟宇一座東界海義社西界海信社南界
海良社北界東平縣界

第二十七海信社在城西一百一十里曰山
城子街衢寬廣商民輻輳夙稱繁盛有右翼
翼長衙門正紅廂藍二旗官廳現議裁撤有
稅捐總局公立兩等小學堂一處在鎮東八

里曰東山城子設巡警分區一所街中有龍
神廟一座街東三里有廟宇一座東界海智
社西界海樂社南界海和社北界東平縣界
山西南坡有古壘

第二十八海和社在城西南一百五里曰頭
八石有小村落公立初等小學堂一處設巡
警分區一所東界海仁社西界本社楊樹河
子花園南界海升社北界海信社

第二十九海和社在城西南一百一十里曰
楊樹河子有小村落公立初等小學堂一處

海龍府志

地理

二十

設巡警分區一所東界本社頭八石西界海
樂社海永社南界海升社海茂社北界海信
社社中有古壘因全社名小城子與頭八石
原係一社後分為二也

第三十海樂社在城西一百二十八里曰二
龍山公立初等小學堂一處設巡警分區一
所東界海信社西界海永社南界海和社海
永社北界東平縣界

第三十一海永社在城西一百五十五里曰
巴彥河土名白銀河有小集市公立初等小

學堂一處設巡警分區一所村東有廟宇一座村西分水嶺有廟宇一座東界海樂社西界開原縣界南界海恆社北界東平縣界

第三十二海強社在城西南二百里曰孤山子公立初等小學堂一處設巡警分區二所一設於同社之小白銀河東界海永社海恆社西界英額門開原縣界南界柳河縣界北界海永社

第三十三海升社在城西南一百二十里曰大荒溝公立初等小學堂一處設巡警分區

海龍府志

地理

三

一所東界海仁社海隆海社西界海茂社南界柳河縣界北界海和社之山陰石壁錫有古字類篆籀然模糊不可辨認矣

第三十四海隆社在城西南七十五里曰城水河子公立初等小學堂一處設巡警分區一所東界海惠社西界海升社南界海惠社北界海良社海仁社

第三十五海恆社在城西南二百里曰六官巷公立初等小學堂一處設巡警分區一所

在社東距城一百六十里曰磨盤山設巡警

分區一所西南距六官巷巡警分區十里東界海和社西界海強社南界柳河縣界北界海永社

第三十六海茂社在城西南一百八十五里曰大樺樹設巡警分區一所東界海升社西界海恆社南界柳河縣界北界海恆社

山

全境之山有四大支西南之山以納線窩集為租山即長嶺子古名歌爾民朱敦今名分水嶺嶺之南麓在

海龍府志

地理

三

興京界內自海強社入境縣互起伏東北行延袤二百餘里落脈於海平社東界之太平溝其著名之山在海恆社海強社分界處曰哈達嶺自西南而東北袤延於海恆社海強社海和社者曰長崗自海恆社分支西北向在海強社者曰鮎魚嶺在海永社者曰分水嶺曰大央阿在海恆社者曰馬鞍山曰城場嶺在海茂社者曰盤爾嶺曰小荒頂子曰大荒頂子在海茂社海升社分界處曰老虎頂子在海升社者曰雞冠砬子曰四方砬子曰興隆

山曰香鑪碗子山曰老爺嶺曰盤道嶺曰西
 哈達山在海升海隆二社間者曰東哈達山
 在海隆海仁二社間者曰新開嶺在海仁社
 者曰老轆頂子曰上砬子在海良社者曰下
 砬子在海隆社者曰砬門子在海良海通
 海隆海惠四社間者曰四方頂子在海惠社
 者曰釣魚臺曰興隆山曰杏嶺自四方頂子
 向東北一帶高崗直經海通社海平社者曰
 鳴綠崗在海平社者曰雙頂子

北一帶之山以庫魯納窩集為祖山即分水
 嶺北麓自西而東皆自東平縣界入境簇擁
 百餘里落脈於海昇社城東之奶子山在海
 樂社者曰二龍山在海信社者曰山城子山
 在海智社者曰大黑嘴子山在海義社者曰
 挂金嘴子山在海化社者曰五奎頂子在海
 昇社者曰奶子山

東北一帶之山以吉林界之紅石砬子為祖
 山自海北社入境自西北而東南橫亘百餘
 里至輝發河東岸海振社之月牙山落脈其
 著名之山在海兆社者曰五塊石在海億社

者曰黑頂子曰小北山在海治社者曰一座
 英山曰雙鳳山在海安社者曰小山在海盛
 社者曰牛心頂子在海康社者曰石頭頂子
 曰西橫虎曰東橫虎曰月牙山
 東南一帶之山以大四方頂子為祖山在海
 保社者曰青頂子曰大北岔山在海綏社者
 曰馬屁股山曰南孤頂子曰北孤頂子曰鞍
 子山在海甲社者曰蜂蜜山曰東大陽山曰
 西大陽山曰櫻棒嶺在海興社者曰紅石砬
 子曰馬家嶺曰聖音吉林峰在海聚社者曰

杉松崗

奶子山在城東五里第一海昇社界內山東
 麓有古壘

雙頂子在城東南二十里第二海平社界內
 雙峰並峙丙午正月初二日朝現山市二峰
 各現一城南一城城樓女牆宛然可數北一
 城則無樓堞山東野豬河居民多有見之者
 牛心頂子在城東北三十里第三海盛社界
 內

西橫虎在城東三十里第八海康社界內

東橫虎在城東四十五里海康社界內山西
南有古城

石頭頂子在城東北三十六里海康社界內

月牙山在城東五十里第九海振社界內山

上有平臺相傳為點將臺山東有古壘

聖音吉林峰在東城六十里第十海興社界

內峰上有輝發城山東麓有輝發河城為輝

發國故址

太祖於明萬曆三十五年所滅者也康熙二十七年

聖祖仁皇帝祭告

海龍府鄉志

地理

三五

山陵歸狩於輝發嘗至此駐

蹕

紅石砬子在城東八十里海興社界內

馬家嶺在城東七十里海興社界內

摺棒嶺在城東南五十五里第十二海甲社

界內

西大陽山在城東南七十五里海甲社界內

東大陽山在城東南八十五里海甲社界內

蜂蜜山在城東南九十里海甲社界內

鞍子山在城東南一百一十五里第十三海

綏社界內

北孤頂子在城東南一百一十里海綏社界

內

南孤頂子在城東南一百四十里海綏社界

內

馬屁股山在城東南一百五十里海綏社界

內

大北岔山在城東南一百五十里第十一海

保社界內山前清水溝亦曰芹菜溝現出金

苗甚旺

海龍府鄉志

地理

三六

青頂子在城東南一百三十五里海保社界

內

四方頂子在城東南一百八十里海保社與

吉林分界處

杉松崗在城東南五十里第十四海聚社界

內出煤鐵礦甚著名燠炸尤為特產

小山在城東北五十五里第七海安社界內

雙鳳山在城東北四十五里第四海治社界

內

一座英山在城東北四十五里海治社界內

黑頂子在城東北六十五里第五海億社界內

小北山在城東北七十五里海億社界內

五塊石在城東北一百里第十四海兆社界內

內與吉林伊通州分界處

五奎頂子在城西二十二里第十七海化社界內

界內

挂金嘴子在城西三十五里第二十五海義社界內

社界內

大黑嘴子在城西六十里第二十六海智社界內

海龍府志

地理

七

界內

山城子山在城西一百一十里第二十七海信社界內

信社界內

二龍山在城西一百三十五里第三十海樂社界內

社界內

鴨綠崗在城西南二十里第十八海通社界內

內

杏嶺在城西南五十五里第二十一海惠社界內

界內

興隆山在城西南六十里海惠社界內

釣魚臺在城西南八十五里海惠社界內

四方頂子在城西南六十五里海惠社與第三十四海隆社第十八海通社第二十三海良社四社之間

良社四社之間

磙門子山在城西南九十五里第三十四海隆社界內

下磙子山在城西南七十五里第二十三海良社界內

界內

上磙子山在城西南八十五里第二十四海仁社界內

界內

老轆頂子在城西南九十五里海仁社界內

新開嶺在城西南九十五里海仁海隆二社之間

東哈達山在城東南一百里海隆海升二社之間

西哈達山在城東南一百二里第三十三海升社界內

界內

高里盤道嶺在城東南一百七里海升社界內

界內

老爺嶺在城西南一百一十里海升社界內

界內

老轆頂子在城西南九十五里海仁社界內

新開嶺在城西南九十五里海仁海隆二社之間

東哈達山在城東南一百里海隆海升二社之間

西哈達山在城東南一百二里第三十三海升社界內

界內

海龍府志

地理

八